



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Adversvs Omnia Catabaptistarvm Prava Dogmata  
Heinrychi Bullingeri lib. IIII**

**Bullinger, Heinrich**

**Tigvri, 1535**

**VD16 B 9759**

Quomodo exeundum à malis

**urn:nbn:de:hbz:466:1-35433**

here qui totus à deo pendeat, nō à mundo, neq; ab his  
quæ in mundo sunt, qui fixus sit in cœlestibus & æ-  
ternis rebus utcunq; corpus rebus corporalibus uti  
cogatur. Mundum diligere Ioanni significat cor im-  
mersum esse ex quasi sepultum huius mundi uolupta-  
tibus, & sic delicijs mūdanis inhiare, imò absorptum  
esse, ac si perpetuo sibi hic uiuendū foret. Hæc ex Pa-  
li uerbis manifesta sient, 1. Cor. 7. Cæterum illud di-  
co fratres, tempus contractum est, superest, ut qui ha-  
bent uxores, sint tanquam non habentes: & qui plo-  
rant, tanquam non plorent: & qui gaudent, tanquam  
non gaudeant: & qui emunt, tanquam non posside-  
ant: & qui utuntur hoc mundo, tanquam non utan-  
tur. Præterit enim habitus huius mundi.

Quod exeundum sit à malis, quo Paulus ex Leuit.  
25. uititur, hoc dicimus. Illud præcipue Israëlitis di-  
ctum esse, ne sordibus gentium contaminetur, de qui  
bus 4. Reg. 17. Quod si urges literā, nec à filiis Israël  
unquam factum est, ut ex terra gentium hac migra-  
rint, semper inter gētes uersantes, quas dominus non  
omnino eradicare uoluit ē terra. Sic ergo egressi sunt  
ab eis, ut sibi ab eorum immunditijs & uitijs, etiam si  
in medio earum uersarentur, cauerent. Hoc idem no-  
bis hodie faciendum, ut longe egrediamur ab eis ani-  
mo & uita, corpore enim non licet, nisi mundum &  
quidquid uidetur deserere uelimus. Vel dictu, quomo-

do apostoli gentibus prædicassent, si ipsis inter gentes  
uersari non licuisset? Non docet Paulus secessionem  
corporalem, sed cautionem & abstentionem animi,  
qua sit ut in medio spinarum rosæ efflorescant. Nihil  
ergo pugnant contra me tuæ authoritates, sed contra  
eos qui carni sese dediderunt turpisimos seruos, qui  
uitam impuram & beluinam uiuunt, quorum corda  
crapula & ebrietate obruta iacent, similes omnino  
gentibus, qui deum ante oculos suos non habent, semper  
per hoc Sardanapalicum iactantes: Edamus & biba-  
mus, cras enim moriemur. Quos ego haudquam de-  
fendo, nec eorum institutum probo. Ego de hisce gau-  
dijs & societatibus loquor, ubi aliquando pijs honeste  
& amice conueniunt, idq; publice & cum gratiarum  
actione, ut quum sunt panegyres & festa quædam ce-  
lebriora, ex certis causis & rationibus instituta. Ibi  
conueniunt unius gentis homines in timore dei, alter  
alterum honestis conuiujs excipit: quod fieri potest  
ad alendam concordiam, charitatem & pacem. In ipsis  
publicis coetibus minus impudentiae & audaciæ licet,  
minusq; designatur flagitorum, quam dum in conuen-  
ticulis ganeis ac secessionibus abstrusi delitescunt: uel  
dum nocturnis horis in loca quædam obscuriora, in  
antra, in sylvas sese recipiunt seorsim, ut olim Romæ  
factitatum legimus, donec bona pars nobilium matro-  
narum pudicitia periclitaretur. In coetu enim publi-  
co sem-

eo semper sunt quos reueriti turpitudinē horremus. Deinde licet bonis & honestis uiris, turpibus cœptis quorundam resistere, ex eos ab in honesto proposito auertere & auocare. Horrendum dictu, quid seorsim flagitiosi si cum similibus congregentur & neminem habeant qui obstat, designare audeant. Hæc fieri non possunt in publicis & solennibus conuentibus, ubi metu bonorum mali deterriti à flagitiosis tum factis, tum dictis uel inuiti abstinere coguntur. Omittuntur interim multa mala, quæ in secessionibus perpetrantur. Honestis gaudijs in honesta & turpia, ut clavis clavo, repelluntur & retunduntur. Hæc à ueteribus ita sunt usurpata, ut aliquando publicis conuiuijs aleant concordiam & amicitiam instaurarent, choros aliquando ducebant cum decore. Nec defuerunt exercitia quædam quibus corpora prompta agiliaq; tum etiam uegetare edebant, ne ocio torperent ignauo, ut cursu, aut disco cæterisq; huiusmodi rebus, quibus diu uacabat: aliij qui priuatim cōueniunt uino, alea et turpiorib. rebus tenentur. Secessio ergo ista qua uos insignes et sancti esse uultis, aliud nihil est q nouus monachatus. Quid dico? Philautia est, pertinacia, demētia, melancholia, contentio, inuidia, & odium acerbissimum. Cōuenticula uestra, oēs hoīes, qui uestris dogmatis non subscribūt, pro gentilibus, et infidelib. ducūt & Satane tradūt, quasi nemo præter uos seruat deo.

S S